

古文淵鑒卷第十五目錄

漢

劉向

條災異封事

請封甘延壽陳湯疏

諫起昌陵疏

極諫外家封事

定禮樂疏

杜欽

訟馮奉世疏

翼奉

應直言封事

薛宣

申勅刺史疏

王尊

勅掾功曹敎

劾匡衡張譚奏

公乘興

訟王尊書

劉輔

諫立趙婕妤疏

谷永

祭祀方術奏

訟陳湯疏

梅福

言王氏書

請封孔子世爲殷後書

古文淵鑒卷第十五

御選

內閣學士兼禮部侍郎教習庶吉士臣徐乾學等奉

旨編注

漢

劉向

字子政本名更生楚元王交之曾孫元帝

初為散騎宗正給事中與蕭望之周堪金

敞同輔政為外戚許史中書宦官弘恭石顯

所譖下獄免官

為中壘校尉

條災異封事

辨而裁雅而贍淵
然經術之氣不徒
以侃正見長

臣前幸得以骨肉備九卿奉法不謹乃復蒙恩竊見

災異並起天地失常徵表爲國

徵證也

欲終不言念忠

臣雖在眵畝猶不忘君惓惓之義也况重以骨肉之

親又加以舊恩未報乎欲竭愚誠又恐越職然惟二

恩未報忠臣之義一抒愚意退就農畝死無所恨臣

聞舜命九官濟濟相讓和之至也衆賢和於朝則萬

物和於野故簫韶九成而鳳皇來儀擊石拊石百獸

率舞四海之內靡不和寧及至周文開基西郊雜遯

衆賢罔不肅和

雜遯聚積之貌
還大合反

崇推讓之風以銷分

西山真德秀曰
自竊見以下凡
七八轉忠誠惻
怛之意藹然見
於言外非積於
中者厚不能及
也

爭之訟文王既沒周公思慕歌詠文王之德其詩曰
於穆清廟肅雍顯相濟濟多士秉文之德周頌祀文
王清廟之
詩當此之時武王周公繼政朝臣和於內萬國驩於
外故盡得其驩心以事其先祖其詩曰有來雍雍至
止肅肅相維辟公天子穆穆周頌禘太
祖之雝詩言四方皆以
和來也諸侯和於下天應報於上故周頌曰降福穰
穰此執競之篇
祀武王之詩又曰飴我釐麴此思文之篇以
后稷配天之詩釐麴
麥也始自天降此皆以和致和獲天助也下至幽厲
之際朝廷不和轉相非怨詩人疾而憂之曰民之無

西山真德秀曰
和字乃一篇綱
紀

良相怨一方

此小雅角弓之篇刺幽王之詩

衆小在位而從邪議歙

歙相是而背君子故其詩曰歙歙訛訛亦孔之哀謀

之其臧則具是違謀之不臧則具是依

此小雅小旻之篇刺幽王

之君子獨處守正不撓衆枉勉彊以從王事則反見

憎毒讒慝故其詩曰密勿從事不敢告勞無罪無辜

讒口瞿瞿

此小雅十月之交篇刺幽王之詩密勿猶黽勉也詩作黽勉

當是之時

日月薄蝕而無光其詩曰朔日辛卯日有蝕之亦孔

之醜

自此以下至百川沸騰皆十月之交詩

又曰彼月而微此日而微

今此下民亦孔之哀又曰日月鞠凶不用其行四國

荆川唐順之曰
引詩書者當法
此體

無政不用其良。天變見於上。地變動於下。水泉沸騰。山谷易處。其詩曰。百川沸騰。山冢卒崩。高岸爲谷。深谷爲陵。哀今之人。胡憯莫懲。霜降失節。不以其時。其詩曰。正月繁霜。我心憂傷。民之訛言。亦孔之將。言民以是爲非。甚衆大也。此小雅正月之詩。此皆不和賢。不肖易位之所致也。自此之後。天下大亂。篡殺殃禍並作。厲王奔彘。幽王見殺。至平王末年。魯隱之始。卽位也。周大夫祭伯乖離不和。出奔於魯。而春秋爲諱。不言來奔。傷其禍殃自此始也。是後尹氏世卿而專。

西山真德秀曰
叙次有法故不
覺其冗

恣諸侯背畔而不朝周室卑微二百四十二年之間

謂從隱公元年至哀

公十四年獲麟也

日食三十六地震五山陵崩

地也下頽也

彗星三見夜常星不見夜中星隕如雨

一火災十四長狄入三國五石隕墜六鵠退飛多麋

有蜮蜚鸛鵒來巢者皆一見晝冥晦雨木冰李梅冬

實七月霜降草木不死八月殺菽大雨雹雨雪雷霆

失序相乘水旱饑螽蟊螟螽午並起

螽午猶當是時

禍亂輒應弑君三十六亡國五十二諸侯奔走不得

保其社稷者不可勝數也周室多禍晉敗其師於賈

迂齋樓昉曰舖
叙有倫首尾相
應味其書詞方
知其忠愛懇惻
之意與他人不
同

戎質戎地名也春秋公羊經成元年秋王師敗績於質戎傳曰執敗之蓋晉敗之也。質莫侯反伐

其郊鄭傷桓王戎執其使隱七年冬經書天王使凡伯來聘戎伐凡伯於楚丘

歸以衛侯朔名不往齊逆命而助朔五大夫爭權三君

更立莫能正理周景王崩單穆公劉文公鞏簡公甘平公召莊公此五大夫相與爭奪更

立王子猛子朝及遂至陵夷不能復興由此觀之和

敬王是為三君也氣致祥乖氣致異祥多者其國安異眾者其國危天

地之常經古今之通義也今陛下開三代之業招文

學之士優游寬容使得並進今賢不肖渾殽白黑不

分邪正雜糅忠讒並進糅和也。汝救反章交公車人滿北

軍

漢儀注中壘校尉主北軍壘門內尉一人主土書者獄上章於公車有不如法者以付北軍尉以法

治朝臣舛午

午五故反

膠戾乖刺更相讒愬轉相是非傳

授增加文書紛糾前後錯繆毀譽渾亂所以營惑耳

目感移心意不可勝載分曹爲黨往往羣朋將同心

以陷正臣正臣進者治之表也正臣陷者亂之機也

乘治亂之機未知孰任而災異數見此臣所以寒心

者也夫乘權藉勢之人子弟鱗集於朝羽翼陰附者

衆輻輳於前毀譽將必用以終乖離之咎是以日月

無光雪霜夏隕海水沸出陵谷易處列星失行皆怨

臣正治曰子政
精於五行其條
災異博而有徵
非湛深經術者
不能

氣之所致也。夫遵衰周之軌迹，循詩人之所刺，而欲以成太平，致雅頌，猶郤行而求及前人也。初元以來六年矣。案春秋六年之中，災異未有稠如今者也。夫有春秋之異，無孔子之救，猶不能解紛。況甚於春秋乎？原其所以然者，讒邪並進也。讒邪之所以並進者，由上多疑心。既已用賢人而行善政，如或譖之，則賢人退而善政還。還謂收還也。夫執狐疑之心者，來讒賊之口，持不斷之意者，開羣枉之門。讒邪進則衆賢退，羣枉盛則正士消。故易有否泰，小人道長，君子道消。君

臣熙曰篇中多
引經語不嫌冗
雜首尾相生反
覆照應雄渾博
大猶有先秦之
遺

子道消則政日亂故爲否否者閉而亂也君子道長
小人道消小人道消則政日治故爲泰泰者通而治
也詩又云雨雪麇麇見睍聿消此小雅角弓篇刺幽王好讒佞之詩與
易同義昔者鯀共工驩兜與舜禹雜處堯朝周公與
管蔡並居圉位當是時迭進相毀流言相謗豈可勝
道哉帝堯成王能賢舜禹周公而消共工管蔡故以
大治榮華至今孔子與季孟偕仕於魯李斯與叔孫
俱宦於秦定公始皇賢季孟李斯而消孔子叔孫故
以大亂污辱至今故治亂榮辱之端在所信任信

既賢在於堅固而不移詩云我心匪石不可轉也風邨

栢舟

言守善篤也易曰渙汗其大號

此易渙卦九五爻辭

言號

令如汗汗出而不反者也今出善令未能踰時而反

是反汗也用賢未能三旬而退是轉石也論語曰見

不善如探湯今二府奏佞譖不當在位歷年而不去

二府丞相

故出令則如反汗用賢則如轉石去佞則

御史也

如拔山如此望陰陽之調不亦難乎是以羣小窺見

閒隙緣飾文字巧言醜詆流言飛文譁於民間故詩

云憂心悄悄慍於羣小

此邨栢舟言仁而不遇之詩

小人成羣誠

足愠也。昔孔子與顏淵子貢更相稱譽。不爲朋黨。禹
稷與皋陶傳相汲引。不爲比周。何則。忠於爲國。無邪
心也。故賢人在上位。則引其類而聚之於朝。易曰。飛
龍在天。大人聚也。此乾卦九五象辭在下位。則思與其類俱
進。易曰。拔茅茹。以其彙。征吉。此泰卦初九爻辭在上則引其
類。在下則推其類。故湯用伊尹。不仁者遠。而衆賢至。
類相致也。今佞邪與賢臣並交戟之內。交戟謂宿衛者合黨
共謀。違善依惡。歛歛訛訛。數設危險之言。欲以傾移
主上。如忽然用之。此天地之所以先戒。災異之所以

臣德宜曰用人行政是禳災祈福之本此全在人事發論其言皆根本六經視京房翼奉諸家專言機祥者迥別

重至者也。自古明聖未有無誅而治者也。故舜有四放之罰。而孔子有兩觀之誅。然後聖化可得而行也。今以陛下明知誠深思天地之心迹。察兩觀之誅。覽否泰之卦。觀雨雪之詩。歷周匝之所進。以為法原。秦魯之所消。以為戒考。祥應之福。省災異之禍。以揆當世之變。放遠佞邪之黨。壞散險詖之聚。杜閉羣枉之門。廣開衆正之路。決斷狐疑。分別猶豫。使是非炳然。可知。則百異消滅。而衆祥並至。太平之基。萬世之利也。臣幸得託肺附。

肺附謂肝肺相附。著猶言心膂也。

誠見陰陽不調。